

第十一册

得心集醫案

杏軒醫案

古今醫案按選

花韻樓醫案

王旭高臨證醫案

裘吉生主編

珍本醫書集成

謝映廬著

侍心集醫案

世界書局印行

姜妾序

映廬謝先生父執也。實余心交。憶自先君棄世。先生憫余貧。重余守。每當燕坐傾談。必出佳釀相餉。酒酣耳熱。肝膽相示。先生常以著擊案呼曰。讀書能如吾子。吾友有子矣。由今思之。醫效如新。何世易滄桑。風流雲散。先生遂不可復見。然不得見先生。得見先生著述。如見先生也。先生自幼讀祖父書。以醫道濟世。閱歷近五十餘年。所治驗各症。存案不下千餘條。題曰得心集。得平心。斯應乎手。固先生本意也。近歲疊遭播遷。案多遺失。諸嗣君亟爲纂集。而屬勘定於余。余受而讀之。益知先生醫學。俎豆內經。鼓吹仲景。襟帶李劉。爐冶喻薛。幾於有書皆我。無古非今。以余淺識。獨不慮買櫝還珠。佛頭着糞耶。雖然。精於理者。意境畢呈。達於道者。智愚共喻。夫以先生之醫。匠心獨運。故其案妙手寫生。洞然秩然。需於余者無多。顧曩者先生不鄙不才。嘗授筆硯。序家乘。記祭產。碑傳題贊。出予一手。今先生歿。而於是集垂成。作袖手觀。無以對先生。更何以謝諸嗣君。况杏園所編。動中肯綮。法律謹嚴。予惟贊成之耳。烏乎辭。於是夜以繼日。孜孜評點。以冀其成。亦既成矣。杏園又能出己所著一得集。附於後。予甚樂之。因卽以先生當日稱予者。轉爲先生頌曰。謝公有子矣。惜也。予則守如故。貧亦如故。無可慰先君於九京者。遂無可慰先生。而先生乃以嗣君力。得成遺集。予亦幸共肩斯任。則卽此報父執印心交也。奚而不可。是爲序。咸豐辛酉仲冬。上澣。世愚姪金谿姜演謹撰并書。

趙序

醫之道玄矣哉。自神農氏嘗百草以興斯道。後之宗歧黃者千百家。而得其傳以不朽者蓋數十人。醫學之難。自古然矣。顧近代聰明之士。苟心通其意。每得其不傳之緒。出所學以活人。且有非古成法所能拘者。世固時有其人。而醫學之傳。亦時賴其人。以不絕於世。善夫明喻子嘉言之自名其書。有曰寓意草者。蓋亦本乎醫者意之說。

也。喻子真善言醫者矣。我盱南映廬謝先生。少業儒以貧。故棄學肆力於醫。遂通其術。其治病無常法。方投輒應。暇時則又取所治之已效于世者。具書于冊。名曰得心集。先生之心蓋欲以醫一時者醫天下後世矣。今夫學問之道公天下者也。而世之一二善詩能文之士。往往私其所學。家有傳書。非其子弟不得觀焉。降而至於方技術數者流。苟能神明其法。終將秘之不以授人。而先生獨以活人之具爲人言之。且著爲成書以示天下。視世之私其子弟秘不示人者。相去何遠也。先生季子杏園能讀父書。克世其業。懼先生之書泯滅不傳。亟爲別類分門。授諸梓人。杏園可謂善繼先人之志。而克述其事者矣。書成囑序于予。予惟世之覽是編者。得先生以意醫人之法。推而廣之。知醫之不盡可以成法拘也。則讀先生之得心集。卽以爲明喻子之寓意草也可。

金谿世愚姪趙承恩謹撰

黃序

人生悲歡離合。如夢幻泡影。無從端倪。亦莫能超脫。願當其時不覺也。由後追思。則感慨係之。甚且涕泣隨之。余年四十後。疊遭大故。又值東南寇起。親朋徂謝過半。屈指人琴。渺若山河。惟於後嗣繼述。得瞻手澤。遂不啻醫效親聆。顏色相對。此余讀得心集醫案。所爲往復嘯歎於映廬謝先生不置也。先生於余爲世交。以精於醫。余家老幼男婦。無弗樂就其診。而於余姊與婦。尤有起死回生之恩。蓋至是而交情益深矣。竊嘗計之。自余髫齡以至既壯。二十餘年中。余年鼎盛。而先生年未老。彼此家世更恬熙康樂。其間離合久暫。視爲泛常。無容悲歡者。迨庚戌春。先君棄養。先生與汪偉堂世丈來平。憫余孤苦。潛然出涕。則悲之矣。後二年余歸自武甯。晉謁先生。先生久病初起。蕭蕭白髮。步履蹒跚。余知爲老景也。亦隱悲之。又四年。余至自粵東。爲先慈介壽。先生飲余家。旋招余飲。寓室平安聚晤。則又歡甚。越歲寇陷郡城。余隨李觀察次青先生入大營。奔走局務。先生朝夕惴惴。懼余爲賊害。是冬寇復張。余奔信州。先生亦避匿盱南。故里居半載。有客自故鄉來河鎮者。傳言先生以憂憤病卒。余爲大慟。悲

莫能已。其時地棘天荆。隻雞斗酒。無從致奠。幸再歲而全省肅清。余以秋試報罷。歸省先慈。雖不得見先生。而與先生哲嗣杏園日夕燕聚。於是悲歡交集矣。今年秋。余方司鐸高安。逆氛又大至吾邑。先慈見背。先姊先內。同時殉孝。家人相繼亡者三口。余匍匐歸里。勉營窀穸。苦塊之次。念先生如在。當不知如何悲余也。未幾杏園出。先生醫案相示。余心如晉井。不能匡贊一字。惟追念曩者先君病越月。茲先慈病四越月。均蒙先生暨杏園診視。而余醫亂俱未能壹志信從。致有今日。捧讀遺案。夜闌感泣不能成聲。蓋繼悲而痛且爲之恨。此余與先生數十載離合悲歡歷歷可數者。夢幻耶。泡影耶。俱不得而知也。至先生是集審症之確。處方之良。與夫杏園編集校讐之妥。善觀者知之。諸序詳之。無待余言。

咸豐辛酉十月既望。世愚姪金谿黃春。魁補之謹序并書。

李序

呂東萊先生曰。不憂算之不多。而徒憂敵之難勝。天下之庸將也。不憂術之未精。而徒憂病之難治。天下之庸醫也。醫之道難言矣哉。夫醫有醫於未病。有醫於將病。有醫於已病。又或視有病若無病。見不病而實病。病之端多。即醫之道大。醫誠難言矣哉。得斯旨者。其謝映廬先生乎。先生少穎慧。嗜讀書。士林每樂與之游。旋以境窘。棄舉子業。而就醫。醫於謝氏。固世精其業者也。先生既能自力其學。而又得先世心法之傳。於是教人節飲食。慎寒暑。戒嗜慾。此則醫人之病於未然。亢陽者抑之。純陰者化之。陰陽駁雜者調之。此則醫人之病於將然。辨症之表裏虛實。審脈之浮沉遲數。且證以色之生旺休衰。而後擬方奏効。此則醫人之病於已然。又或譫語顛狂。趨炎赴冷。人多倉皇失措。先生獨聲色不驚。應手而立愈。又神光外鑠。豎匿膏肓。人每玩忽輕之。先生獨深思竭慮。多方乃痊。此則醫夫病如不病。不病而病之病。噫。先生之醫。其良矣哉。若夫望五色。聽五聲。辨五行。度五候。因以定五氣。所由病。五病所由發。五邪所由亂。五勞所由傷。由是而調其五臟。順其五氣。固其五精。和其五味。此又先生數十

年中精心苦志。濟人之準繩也。夫至病必窮源。症必對方。以故疾無弗瘳。藥無弗效。亦如兵家之戰必克。攻必勝。此邑侯所以有妙手仁心之贈。而先生所以有得心應手之篇也。噫。先生之醫。誠良矣哉。先生哲嗣杏園克承父志。醫人亦多奇效。家學淵源。後先輝映。彙其先人手澤。輯而成書。并附己所見效數十則於後。亦繼志述事之意也。梓成而問序於余。余素不文。且不知醫。以日與杏園游。誼不獲辭。因即杏園平日所述先生之薪傳。獨得者。撮其大要。而著之於篇。

咸豐十一年歲辛酉孟冬月上浣南州雲岩李霖謹撰并書

王序

古之不朽者三。太上貴德。次立功。次立言。醫之爲道大。其濟人也普。以云功德無涯矣。而非立言以闡發之。後之人又烏能測其端倪。取法而推行之也。然則立言。烏容已哉。此先生之案所由立與。先生姓謝氏。映廬其別字也。予於甲寅秋一獲見之。狀貌清癯。有儵然出世之概。知必有所得於中。而非冒爲孤高所能假託。予心儀久之。今得與哲嗣杏園交。因得讀先生得心集。夫既有得于心。則表裏精粗。無所不至。是化裁通變。因心作則。方不外乎古人。實不囿於古人。先生以數十年精力。本先人信心之端。參古賢啓心之秘。原始要終。徹上徹下。而始有此得心之候。夫豈偶有一得。即自視爲神明。矜爲創獲。以欺世盜名者所得而擬耶。然則先生功德豈有涯矣哉。先生季子杏園以聰明之士。學先生之學。心先生之心。取精用宏。無微不入。當世知名士皆樂就之。即名公鉅卿如節相曾滌生先生。亦延之爲座上賓。殆以良相良醫皆有調燮陰陽之寄。故有相契於微者乎。昔漢丞相丙吉郊行見民鬪不問。見牛喘輒問。懼陰陽之乖舛。燮理之失宜也。先生橋梓。可謂先得丞相之心矣。故精益求精。而効無不著。案亦于是乎始立。猶憶贈黃靜夫先生句云。救時濟世具深心。天有罅漏公能補。予將以之移贈先生。即以之移贈杏園。深識者當不以余言爲河漢也。是爲序。

咸豐辛酉仲冬月穀旦金谿小麓弟王敬遵拜撰

王序

理莫難究於陰陽。卽莫難通於醫理。非知不能明。非仁不能任。非勇不能決。映廬謝先生於斯道。余雖不敢知曰。已臻夫知仁勇之神品。然而明矣。任矣。決矣。蓋嘗觀其治病。陰陽虛實。辨之最悉而微。明也。扶正祛邪。或攻堅破結。不肯稍從因循。任也。審症必確。處方無疑。決也。三善備而先生之醫著。先生之案如山之立。蓋惟得之心也。乃應乎手。得心集。豈空言無補可同語哉。夫變理陰陽。宰相事也。順陰陽氣化之流行。以愈六淫七情之疾。醫之良也。先生平昔談論。恆不離夫陰陽之理。故其醫竟符夫宰相變理之妙。卽以知仁勇歸之。誰曰不宜。是爲序。

咸豐辛酉十月旣望東鄉舜臣王禹緒頓首拜撰并書

得心集醫案凡例

一傷寒 傷寒治法。乃醫家第一着工夫。溯前賢諸案。各症備集。獨於傷寒症驗。多從簡略。大抵忽於初起。滯於變症。案中分門別類。凡由外感而起。或誤治傳經。及兼挾風寒暑濕燥火六氣之不同者。悉列卷一傷寒門。實遵證治準繩之例。非敢妄爲創也。

一虛寒 案中有真元不足。陰寒直中。狀如傷寒。誤表亡陽。疑於白虎症者。用表裏先後救援緩急諸法取效。是爲虛寒專症。故特標虛寒門。

一內傷 案中治虛損不復。喘咳痰鳴。氣促。泄瀉。不寐等症。按此皆屬五臟虛損。與六腑無涉。自應列入內傷。其有陰陽不和。水虧木鬱。偏寒偏熱。發作如瘧者。亦由心腎虧損。同列內傷。至若燥氣焚金。五心潮熱。悉本嘉言秋燥論治法。兼參內經腎惡燥。母病而子失養之旨。似又於東垣法外。另施手眼。緣病在肺腎二臟。故亦列內傷門。

一痿證 痿躄一症。內經論之詳矣。首言因於濕。首如裹。頭目昏重濕熱不攘。大筋繆短。小筋弛長。繆短爲拘。弛長爲痿。次言肺熱葉焦。則皮毛虛弱。急薄着則生痿躄也。如物裹之。註云肺主皮毛。傳精布氣。肺葉熱焦。則不能輸精於皮。毛故虛弱。急薄皮膚燥着而痿躄。不能行猶木皮刺不能行津液于枝幹而枯也。又曰。筋膜乾。則筋急而攣。發爲筋痿。下言治法。獨取陽明。以陽明爲五臟六腑之海。主潤宗筋。宗筋主束骨而利機關也。由此合觀。肺焦固生痿躄。而濕熱不攘亦生痿躄。至於筋急拘攣之形。雖與痿躄弛長稍異。而筋受熱傷則一也。今案中治驗。痿躄拘攣諸症。悉從陽勝陰傷。燥氣焚金。熱盛筋急之旨治之。更有風熱內蘊。表裏交迫之症。則仿用河間之法。至若陽痿不起。或縮不伸。則從獨陽不生。及肝膽內鬱。筋急而攣。按法施治。更參乙癸同鄉之義。以收全效。似於痿躄拘攣之治。無遺蘊矣。陰寒陽縮。見虛寒門。另附門人問答。是又案中法外之法。當參閱之。

一 中風 按中風症。諸書咸列首卷。蓋風爲百病之長。而中風原有真中、類中之分。經絡、臟腑、氣血之別。故治有淺深次第之殊。法有攻風、劫痰、潤燥、理氣之異。大抵見症百無一同。治法因人而施。總之經絡素虛。風乘虛入也。案中風邪在上。卒然牙關緊閉者。爲中風本門。其偏頭風痛、腦鳴肢痺、及腸風瘡厥、血虛風襲、筋脈抽搐之治者。爲虛風。與肝風爲患者。附列本門。

一 風火 案中治牙緊唇腫、咽喉壅塞。以及纏喉風之最急者。悉遵經旨火鬱發之。甘以緩之之義。其或倉卒之際。湯藥不及。用探吐法治之。然後斟酌處方。無非使風邪外達。不致內留爲患。故統列風火門。

一 痰飲 痰飲之辨。仲景創論於前。嘉言闡發於後。愚竊謂昔賢以懸飲、支飲、溢飲爲端緒。究未若以內飲、外飲爲綱紀也。觀大小青龍、半夏苓桂、朮腎氣等方。實爲治內外二飲大法。大抵痰飲之萌。由於中焦不運。脾腎爲患者居多。如木鬱則土不生。火衰則水泛溢。中州泥滯。爲痰爲壅。聚於肺胃。爲咳爲嘔。流於經絡。爲疼爲痛。可由涌吐而治者。爲外飲。可由攻滌而治者。爲內飲。案中牙關緊閉。壅塞咽喉者。引之吐之。搜之逐之。治外飲法也。流注經絡。肩臂疼痛者。攻之刮之。泄之下之。治內飲法也。又有脾陽不運。陰濁潛踞。用益陽消陰之法治之者。附列焉。

一 便閉 二便不通之症。古人有下不嫌遲之說。恐誤下也。今案中治驗。發前人未發者固多。闡軒岐底蘊者。亦復不少。如治男子腹脹拒食。二便不通。諸醫束手。先君獨於傷寒門中。觸悟婦人外感傳經熱邪。經水適來。熱邪既可乘虛而入。則男子內傷濕熱。連值房勞。濕熱亦可乘虛而入。旁通曲喻。揣摩入神。此外如陰氣瀰漫。三焦窒塞。用枳實理中以導之。朮桂複劑以通之。胃腑冷積。嘔吐呃逆。用景岳赤金豆。熱以攻之。溫以化之。膀胱濕熱。用滋腎丸。寒以清之。辛以通之。脾陽不運。胸腹脹滿。用枳樸理中以疏之。半硫丸以消之。冷積阻礙。勢成關格。用薑附通陽。硝黃泄瀉。更加草烏、皂角。爲之向導。種種治法。悉遵內經治勝復大旨。而神明其用焉。

一 癰閉 案中治小便不通。少腹脹急。有因濕熱內蓄。膀胱氣阻。用東垣滋腎法。取知柏瀉內蓄濕熱。肉桂通膀胱。

脫墜氣而化之者。有獨陽不生。腰腹脹痛。用六味地黃。合滋腎丸作湯。滋陰而化之者。外仍用熨法摩法。通中以消之。又有木鬱不疏。舉東垣升陽法。用六君子湯。加升麻防風而化之者。同一癰閉。而治不一法。醫道之不可拘滯如此。更有述治。詳列於后。

一吐瀉 吐瀉一症。責之脾胃。理固然也。治之不善。安危反掌。惟能窺其六淫之兼併。臟腑之寒熱。則治之之法。思過半矣。案中治吐瀉胸脹。有從內經胃寒腸熱之旨。則用連理湯。及半夏瀉心湯諸法。土虛木乘。面白飧泄。則仿古人培土必先制木之法。更有暴吐泄瀉。厥逆無脈者。則從腎爲胃關。用白通湯加豬膽汁。反佐通陽之法。較諸安脾理胃不大相懸殊乎。又治下痢。不以紅白評寒熱。而於營衛議虛實。以營主血。衛主氣。紅屬血。白屬氣也。營衛不固者。先建立中氣。脾胃虛寒者。理中焦之陽。俾脾胃有權。陽氣乃運。庶氣血各守其鄉。其積熱下痢。又有黃連解毒丸。六一散之治。附列本門。

一衝逆 自下冲上之症也。如噎膈拒食。噫噤嘔呃。氣急冲咽等類。有因七情起者。肝火僭越者。痰火上攻者。又有陰火上干清道。陰濁上泛咽喉。及肺氣不降。與七情鬱結諸症。俱列本門。總之此症。其衝也。皆逆也。故衝。察其因。乘其機而消息之。遵經旨。而仍出以心裁耳。

一腫脹 此症考諸古治。無非開鬼門。潔淨府。除陳莖。三大法門。喻嘉言。增謂培養招納二法。而亦不外補養升舉兩端。後人仿用得宜。可應無窮之變。案中肺氣壅遏。周身盡腫。是爲表實。實者。自宜疏降。營衛不行。六淫內陷。是爲表虛。虛者。自宜升舉。若夫脾腎陽虛。則專一補火生土。脾虛肺壅。腎囊如斗。則兼固本除標。更有病機變幻。如面跗癰然。壅害於言者。則從風中廉泉。腎水泛溢而治。因病立方。隨手取效。至於高者平之。堅者削之。是又案中常法。未可殫述也。

一瘧症 案中治寒熱往來。或獨寒無熱。或獨熱無寒。以及陽維爲病。病若寒熱。或元氣不足。脾陽困憊。陰陽不和。亦恆偏寒偏熱。按期而至者。治雖不同。皆可以瘧症統之。更有淫氣喘急。痺聚在肺。見爲寒熱往來者。並列

焉。

一頭痛 考三陽三陰。惟厥陰有頭痛。無身熱。太陰少陰無頭痛。有身熱。若頭痛身熱則屬三陽經矣。陰陽既辨。主治各有所當。古法森然。烏可混施。祇以兼挾不同。內因非一。審症用藥。權變在人。案中中虛氣乏。清陽不升者。則仿東垣法以升之。痰火實熱上攻清道者。則仿王隱君滾痰丸。仲景小承氣。大柴胡及竹葉石膏等方。而從經旨上病下取之義。至若陰虛頭痛。水虧火炎。肝木震動者。則用葉氏養肝熄風。滋陰潛陽諸法。要皆頭痛本症。不越內外二因。案僅數症。而治之大旨。盡在中矣。

一諸痛 案中凡治各症。惟痛症最繁。如手足肩臂肘膝腰脇心腹。以及疝氣爲患者。症皆屬痛。故列諸痛門。其婦人因產患癥瘕等類而痛者。另列入產後。

一淋濁 淋濁一症。方書諸罕確論。余於辛酉秋。避亂後。曾患是疾。莖中熱痛。如刀刺剔。溲溺仍清。惟竅端時流白濁。淋瀝不斷。腿縫間有核作痛。或牽引辜丸。溺時艱澀不堪。推原其故。精溺本同門異路。原濁流管中。逗遛其間。溲溺直趨而下。故並道相迫而痛。觀於溺出四射。足爲明徵。治之者。若專以利水之劑雜投。不已。必至增劇。蓋敗精腐濁。因勞役而成者。十居六七。脾虛下陷。濕熱下注者。十僅三四。主治不越升清。祛濁。清熱。利濕諸法。所謂澄其源流自清耳。今案中治敗精阻竅者。則仿古人製虎杖湯意。虎杖湯牛膝麝香用宜通竅。逐瘀祛腐之品。其熱結肝經。陰器腫脹。溺則號痛不已者。必下血乃愈。直用龍膽瀉肝之法。昔葉天士論厥陰內患。少腹邊前陰如刺。小水涓瀝難通。環陰之絡脈皆痺。氣化之機關將息。其症最急。曾引朱南陽法。用歸。桂。金鈴。小茴。通陽泄急。佐入萘白。鼠矢。循經入絡。實發前人未發奧旨。足與是案互相發明。豈執用五苓八正散者。可同日語哉。

一雜症 是門特就案中治上下內外各症列之。與內因七情。外因六氣。不內外因之傷食跌仆。確有區別。如上則目盲不見。因火衰者。以煖命門治之。其精華不注。虛火上炎。則又用甘溫瀉火之法。陰火上沖。咽喉腫痛。則

仿喻嘉言偷關之法。下則腹中疝痛下利白膿。是爲腸癰。故用托裏排膿之法。內則時飢餒雜。見爲胃強脾弱。用扶脾抑胃之法。外則頸項生疽。日久浮爛。由於虛火內灼。邊經旨營氣不行。逆於肉之條理。用歸脾加減法。更有唇口腐爛。則從蟲蝕其肛。用椒梅理中之類。症難統同。治非一律。故以雜症分門。

一產後 案中治婦人產後五更泄瀉。崩漏不止。陰菌下墜。前後二陰諸疾。專以固奇經八脈爲綱紀。或腹中脹痛。血寒凝泣。交骨未縫。寒入陰中。厥陰中寒。嘔吐脇痛。中虛血寒。夜熱咳嗽。津液內涸。口渴自汗。潮熱腹痛。口舌浮爛。妄見妄言。諸症悉分虛實寒熱。酌治取效。緣皆起於產後。故概列入產後。

一瘰癧 案中分瘰癧、癩、厥二門。以大小男婦爲區別。緣小兒體氣孱弱。血脈未充。筋骨柔脆。易感六淫之邪。爲患最速。以手足抽搐。角弓反張爲瘰。四肢逆冷爲厥。太陽中風。亦可類推。若方脈男婦。有七情之鬱結。六淫之兼併。血氣之盛衰。由來之暴漸。與夫產後血虛。及厥陰肝邪爲患。四肢僵痺。不省人事者。皆爲癩厥。

一小兒 小兒體氣稚弱。易於變幻。祇憑望色審症。處治尤難。今案中治驗小兒諸症。因傷寒傳經。誤治變瘰者固多。而煩渴吐瀉霍亂慢脾者。端緒種種。亦復不一而足。及消渴哮喘。目盲啼哭等類。彙列卷六。特標小兒門。以便查閱。

謹按先君治驗諸案。既分二十有一門。尙有述治答問二類。可與某門某案相發明者。附列某門某案之後。而標述治答問字樣別之。又男樹管見數十餘案。有可附載某門。亦標一得集附四字。低一格載於某門之末。非敢自炫。凜庭訓也。男甘樹謹識

得心集醫案目錄

卷一

傷寒門

陽症似陰……………一
 誤下嘔泄……………一
 誤下脹滿……………三
 誤治傳經……………三
 陽邪入裏……………四
 失表發黃……………四
 陰陽易症……………五
 汗不得法……………六
 風濕相搏……………六
 濕熱內攻……………七
 同症異治……………八
 風溫答問附……………八
 夏傷於暑……………九
 溫熱傳變……………一〇
 咳嗽失血……………一二

溫熱不治……………一三
 述治暑溫……………一四
 一得集附

陽症似陰

……………一五

水氣頭汗……………一七

傷暑自汗……………一七

中風門虛風肝風附

牙緊舌脹……………一八

牙緊咽腫……………二〇

偏頭風痛……………二一

腦鳴肢痺……………二一

腸風下血……………二二

瘡厥風痺……………二三

四肢抽搐……………二三

肝風胎癰……………二四

肝風眩暈……………二五

肝風撮指……………二六

一得集附

四肢拘攣……………二七

頭痛門

肝腎陰虛……………二七

清陽不升……………二七

痰火上攻……………二八

述治頭風……………二九

一得集附

眉稜骨痛……………三〇

卷二

虛寒門

寒毒中臟……………三一

內寒外熱……………三四

誤表戴陽……………三四

誤表亡陽……………三五

誤表氣脫……………三七

一得集附

陽虛自汗……………三八

內傷門

五心潮熱……………三九

寒熱如瘧……………四〇

咳嗽喘促……………四二

泄瀉不食……………四四

腎虛不寐……………四五

迷治……………四五

答門人問死期脈解……………四九

痿證門

肺熱葉焦……………五〇

火燦金傷……………五〇

風火內淫……………五一

表裏風熱……………五二

陽強足痿……………五四

陽痿不起……………五四

陰縮不伸……………五五

答門人問足弛治法……………五六

一得集附

風淫於內……………五六

燥氣焚金……………五七

癰厥門

內熱生風……………五八

風火內淫……………五九

寒痰堵塞……………五九

肝火生風……………六〇

中食……………六一

一得集附

七情鬱結……………六一

卷二

便閉門二便不通

濕熱阻塞……………六三

酒毒內結……………六四

冷積阻格……………六六

脾陽不運……………六七

癰閉門

獨陽不化……………六八

濕熱內阻……………六八

木鬱不舒……………六九

迷治……………六九

吐瀉門下痢紅白症附

胃寒腸熱……………七一

陰寒直中……………七二

回陽火圖附……………七二

用白通湯異症同驗并答門人問……………七四

木邪侮土……………七四

答問……………七五

勞傷中氣附……………七六

脾胃虛冷附……………七七

腸胃積熱附……………七七

一得集附

木邪侮土……………七八

風火門

牙緊唇腫……………七八

牙關緊閉……………七九

纏喉風……………八〇

纏喉風……………八〇

痰飲門

- 喘息不已……………八一
- 咽喉壅塞……………八一
- 肩臂疼痛……………八二
- 左右脇痛……………八二

瘧症門

- 獨熱無寒……………八三
- 寒少熱多……………八四
- 飲食傷胃……………八四
- 元氣不足……………八四
- 風溫暑熱……………八五
- 似瘧非瘧……………八五
- 淫氣痺肺……………八七

腫脹門

- 肺氣壅遏……………八八
- 陽氣不升……………八九
- 表實上壅……………九〇
- 表虛下陷……………九〇
- 濕邪內陷……………九一

脾腎陽虛……………九二

脾虛肺壅……………九三

腎虛水泛……………九三

食停中焦……………九四

一得集附

截瘧成脹……………九五

脾腎虛寒……………九五

卷四

衝逆門 噎膈嘔呃
氣急冲咽

七情鬱結……………九七

肝木尅土……………一〇〇

痰火上攻……………一〇〇

肺氣不降……………一〇一

肝火上僭……………一〇一

陰火上冲……………一〇一

陰濁上干……………一〇二

迷治……………一〇二

一得集附

中虛氣怯……………一〇三

諸痛門 手足肩臂肘
膝腰脇心腹

四肢腫痛……………一〇四

肩胛腋痛……………一〇四

肘膝痠痛……………一〇四

腿縫腫痛……………一〇五

濕熱腰痛……………一〇五

蓄血腰痛……………一〇六

肝鬱脇痛……………一〇六

少腹脹痛……………一〇七

冷積腹痛……………一〇七

血寒腹痛……………一〇八

積熱腹痛……………一〇九

宿食腹痛……………一〇九

一得集附

胸皖脇痛……………一一〇

復鼻父治腹痛害……………一一〇

與長兄治氣痛書……………一一一

淋濁門

敗精阻竅……………一一二

肝經熱結……………一一二

雜症門

頰頰浮爛……………一一三

咽喉腫痛……………一一五

頸項生疽……………一一六

下唇生瘡……………一一六

火衰目盲……………一一七

目赤羞明……………一一七

消中……………一一七

腳氣……………一一八

腸癰……………一一九

卷五

產後門

腹脹便閉……………一一二

少腹絞痛……………一一二

潮熱腹痛……………一一三

嘔吐脇痛……………一一三

寒熱如瘧……………一一四

譫語發狂……………一一四

譫語自汗……………一二五

腹痛自汗……………一二五

口渴自汗……………一二六

五更泄瀉……………一二六

陰菌下墜……………一二七

崩漏……………一二七

一得集附

妄見妄言……………一二九

卷六

瘧厥門

太陽傷風……………一三一

夾食傷寒……………一三二

表裏不和……………一三二

風濕相搏……………一三四

熱瘧似驚……………一三四

脾虛癘瘡……………一三五

厥陰腹痛……………一三六

肺竅壅塞……………一三六

霍亂門

消渴哮喘目盲啼哭附

風熱內蘊……………一三七

木邪尅土……………一三九

暑邪入裏……………一四一

春傷於風……………一四二

冷熱五傷……………一四二

三焦鬱火……………一四二

脾胃困憊……………一四三

脾胃陰虛……………一四三

胃氣不和……………一四四

陰陽兩虛……………一四五

慢脾風……………一四六

消渴……………一四九

哮喘附……………一五〇

目盲附……………一五〇

啼哭附……………一五一

答問附……………一五一

一得集附……………一五一

消渴腹脹……………一五二

嘔吐泄瀉……………一五二

述治慢脾……………一五三

跋五篇……………一五五

得心集醫案卷一

南城謝星煥映廬甫著

男甘霖時若纂輯

金谿

趙省庵先生

校定

姪甘棠

懋亭編次

姜真吾先生

孫恩洪

謄稿

門人

劉紹基 葉溪 汪士瑋 節集

同校

後學杭州徐志源重校

傷寒門

陽症似陰

吳雙龍乃室。得傷寒病。信巫不藥。漸至潮熱大作。胸前板結。譫語耳聾。數日未食。猶不服藥。遂爾神識昏迷。眼翻牙緊。合室驚惶。延余治之。脈得細瀯。十指微冷。面色黃白。問之不飲湯水。潮熱時有時無。儼然虛極之象。細審此症。寒邪成熱。為陽。其返成陰候者。古人謂大實有羸狀。即此類也。又河間云。鬱熱蓄盛。神昏厥逆。脈反瀯瀯。細審此細欲絕之象。使投以溫藥。則不可救矣。蓋其初原因傷寒失表。遂入於裏。寒鬱成熱。熱極變寒。理宜表裏兩解。治以柴胡。薄荷。葛蒲。大黃。枳實。甘草等味。急服兩劑。連泄三次。潮熱大作。口反大渴。知其裏舒熱出。三焦經絡之熱。法當清之。以竹葉石膏湯四劑而安。

竹葉石膏湯仲景

竹葉 石膏

人參

甘草

麥冬

半夏

粳米

生薑

誤下嘔泄

危廷階年二十。始病發熱惡寒。進表散藥二劑。汗已大出。熱仍不解。更醫又用柴葛解肌之法。反增氣逆。乾嘔。胸